

Leiba

Na phaisa tuahtoning ttialnak

Leiba hi zeidah a si?

Phaisa na cawi asilole pek rih lo mi bill na ngeih tikah leiba ah an cang.

Zeitin dah lei ka bat ning a si?

Phaisa cawitu sinin phaisa na cawi tikah leiba na ngei. Hihi a karh he na chamttan a herh mi phaisa a si.

Na pek rih lomi bill pawl zong khi leiba si khawh an si ve. Mei bill, mobile bill asilole internet bill pawl khi an si kho.

Leiba chamnak ah harsatnak na ngeih ahcun na tuaht khawh mi thil pawl an um ko.

- ▶ Na ngeih zat tein pe lengmang.
- ▶ Phaisa na batmi kha chawn law phaisa pekawk ca harsatnak na ngeih kha chim.
- ▶ Na leiba tuahto an bawn kho mi manlo Phaisa lei Fimchimtu sinah bawmhnak hal.

Hngal Peng

- ▶ Leiba cu na chamttan a hau mi phaisa a si.
- ▶ Na leiba na chamttan lo ahcun upadi ningin buaibainak na tong kho.
- ▶ Na leiba na chamttan lo ahcun a tamdeuh in na cham a hau lai.

Bawmhnak le tamdeuh hngalh khawhna

Phaisa lei buaibainak na ngeih ahcun manlo Phaisa lei Fimchimtu 1800 007 007 ah hin chawn hna.

Manlo Phaisa lei Fimchimtu le na leiba tuahto ning kong tamdeuh hngalh na duh ahcun MoneySmart website, www.moneysmart.gov.au, ah hin zoh asilole 1300 300 630 ah hin chawn.



Lewis cu credit card in a batmi leiba a cham dih.

Lewis cu khuachung dawr ah tinbawsi zuarnak dawr a tuaht. Aavun thawknak ah tinbawsi, sithuhnak brush le thil dang pawl kha a herh hna.

Lewis cu khonmi phaisa a ngeih lo caah zeizongte cawknak ah a credit card kha a hman. A credit card chungin \$1,200 a cawi. Ka sithuhnak vialte hi ka zuar khawh dih ahcun credit card chung ka cawi mi zong hi ka cham khawh lai i keimah caah zongah a tang lai tiah a ruah.

Lewis cu sithuhnak tlpal lawng kha a zuar khawh. \$720 man lawng a zuar. Credit card chung a cawi mi chamttannak ah a za lo ti kha Lewis nih a hngalh. A dawr ah chiahdng sithuhnak tamdeuh cawknak caah phaisa tamdeuh ka herh ti zong a hngalh. Lewis cu zeituahtawk hmanh a hngal ti lo.

Cu zan a tlaideuh ah khin a hawipa Reon a rak ra. Reon nihcun Lewis cu na dawr zeidah a lawh tiah a hal. Lewis nihcun credit chungin ka bat mi chamttannak zaa ka hmu lo tiah a chimh.

Phaisa hmuhnak le hmanna tuakchungnak ngeih hi leiba tuahtonak ah lam tthabik a si tiah Reon nih Lewis cu a chimh. Hi nih hin Lewis hi leiba zeizat dah a ngeih i zeizat dah a cham khawh lai ti hngalhnak an bawmh lai tiah Reon nih a chim. Cuticun Lewis nih hi leiba hi zeican ahdah ka cham khawh lai ti a hngalh khawh lai.

Reon nihcun Lewis nih dawr in a hmuhmi phaisa zat kha a ttial. Reon nih cun Lewis nih a hman hnganak vialte, tinbawsi, sithuhnak brush, dawr hlan man le credit card chung a cawi mi chamttannak tiangin ca in a ttial dih.

Lewis nih hiti hin ka tuaht khawh lai tiah a ruah. Credit card chung a cawimi a dihlak in chamttan nak ah a thla fate zeizat pek a hau lai ti a hngalh. Lewis cu hitihin a tuaht caah thla 3 ahcun leiba a ngei ti lai lo.

This page has been intentionally left blank.